

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DA RÚA PARA ACTUACIÓNS DE MELLORA NO ALBERGUE DA RÚA

MEMORIA XUSTIFICATIVA

O xerente de Turismo de Galicia

DECLARA:

Que esta Axencia de Turismo de Galicia formalizou co Concello da Rúa o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello da Rúa para actuacións de mellora no albergue da Rúa.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.



Segundo.- Que entre os obxectivos do Concello da Rúa están o desenvolvemento do turismo dentro do concello de acordo cos principios de calidade, accesibilidade e sustentabilidade; a potenciación do turismo como factor de crecemento económico, a valorización dos recursos turísticos e o fomento do turismo como instrumento de reequilibrio territorial. Xa que logo, este concello dirixe os seus esforzos cara a conservación, divulgación e posta en valor dos seus recursos.

O Concello da Rúa forma parte da comarca de Valdeorras e está ó nordés da provincia de Ourense. Ó norte do concello –que hoxe suma 4.719 habitantes– atópanse as terras de maior altitude de Galicia, superando en moitos puntos os mil metros grazas á Serra dos Cabalos, á da Enciñeira da Lastra e ós Montes de Cereixido. Estes cumios impiden o paso das borrascas atlánticas, o que da paso a un clima marcado por escasas chuvias.

O val formado pola conca do río Sil, a onde van parar as augas de numerosos regueiros que están embalsadas no encoro de San Martiño, é un fermoso espazo natural protexido e un punto de gran interese ecolóxico.

O concello da Rúa atópase na ruta do Camiño de Inverno a Santiago, que ten o seu comezo en Ponferrada e recorre as catro provincias galegas antes de chegar a Santiago de Compostela. Nesta localidade finaliza la terceira etapa do dito Camiño, o que impulsou ó Concello a construír un Albergue Municipal para Peregrinos.

O Camiño de Inverno é unha ruta de peregrinación a Santiago de Compostela pola que optaban moitos peregrinos medievais, que no inverno decidían evitar os nevados e dificultosos cumios do Cebreiro, a 1.330 metros de altitude, adentrándose polo sur lucense, na denominada Ribeira Sacra, confluencia de ríos e territorio vinícola onde as numerosas comunidades de eremitas que o poboaron converteron este lugar no de maior concentración de románico rural de Europa. A ruta, duns 210 quilómetros, pode considerarse como o máis galego dos camiños, por atravesar as catro provincias da Comunidade Autónoma ata chegar a Santiago de Compostela.

O Camiño de Inverno sepárase do Camiño Francés en Ponferrada, entrando en Galicia por Valdeorras. Esta vía vai paralela á canle natural do río Sil, unha das comunicacións naturais entre a Meseta e Galicia. O percorrido desta canle xa era utilizado desde os tempos dos romanos; de feito os peregrinos medievais aproveitaban a antiga calzada romana, conseguindo así camiñar por cotas moito máis baixas e seguras nos meses de



inverno. Aquí, despois de entrar en Galicia por Quereño, no concello de Rubiá, pasa por Sobradelo, O Barco de Valdeorras, Vilamartín de Valdeorras e chega, na súa terceira etapa, á Rúa. Saíndo da Rúa o Camiño vai cara Quiroga, e dende aquí prosegue por Ribas de Sil e A Pobra do Brollón nunha etapa que culmina en Monforte de Lemos. Posteriormente atravesa o río Miño para chegar a Chantada. Finalmente, atravesando a Serra do Faro, chega deica Lalín e a Santiago de Compostela.

Terceiro.- O albergue municipal da Rúa é un albergue público para peregrinos do Camiño de Santiago polo Camiño de Inverno, que iniciou a súa andadura en marzo de 2024. Desde a súa posta en marcha o número de peregrinos que pasaron a noite no albergue foi de algo máis de 1.000 persoas, unha cifra importante, e máis tendo en conta que esta ruta está en plan expansión. Tamén durante este tempo púidose observar que é necesario levar a cabo determinadas melloras no albergue para facelo máis funcional e dar un mellor servizo ó peregrino, dado que se espera que o fluxo de persoas que pasen por estas instalacións vaia aumentando ano a ano.

As obras que se pretenden realizar consisten na mellora das instalación do edificio do albergue, mediante o aumento da súa potencia eléctrica, xa que a actual resulta insuficiente para a afluencia de usuarios, tal e como se puído comprobar nestes meses de funcionamento. Para iso remodelárase o seu cadro eléctrico e a derivación individual.

A continuación renovarase o sistema de calefacción, xa que o actual de aire frío/quente resulta insuficiente para os meses máis fríos. Instalarase unha estufa de pellets de ó menos de 16 kw de potencia para dar servizo ós 124 m² do albergue, que se colocará na sala común e irá conectada a varios radiadores colocados en cada unha das estancias, segundo a superficie de cada unha delas, de maneira que todo o albergue estea correctamente aclimatado. Manterase o sistema actual eléctrico de aire frío/calor por se fose necesario o seu uso para arrefriar o ambiente durante os meses de verán.

Por último cambiarase o mobiliario, colocando novas camas e liteiras con estrutura metálica, máis firmes e duradeiras, e de maiores dimensións, 1,90 de longo x 0,90 de ancho fronte ós 1,80 de longo e 0,80 de ancho das actuais.

Con esta actuación preténdese potenciar o Camiño de Inverno, para o cal A Rúa ten que contar cun albergue en boas condicións.



Con esta actuación quérese potenciar un elemento patrimonial do concello, favorecendo o uso e goce do entorno por parte de veciños e visitantes, revalorizando o patrimonio e fomentando o turismo patrimonial como un instrumento de reequilibrio territorial, o que supón a posta en valor turístico da citada infraestrutura.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

